

# **CIK ME GWOKERE KEDE MOKKO BER APOK, PUTA KEDE KWONE RECE OKENE AME OTOL KAN AME ODIRU ME YUBBU REC YUBU I YE PACUPACU**



Ministry of Agriculture,  
Animal Industry & Fisheries  
Directorate of Fisheries Resources



# **CIK ME GWOKERE KEDE MOKKO BER APOK, PUTA KEDE KWONE RECE OKENE AME OTOLO KAN AME ODIRU ME YUBBU REC YUBU I YE PACUPACU**

Tollo rec obedo yore acel ame jo tio kede i rwom a malo twatwal pien mio rec twoo oyoyot dang dok kelo ngwece moro a mit twatwal. Man omio jo maro tollo rec eka ote gwokko gini. Rec ame otolo gwokere i kare a lac came mio catto bedo a yot abongo ketto i pirij ame mio pe balle. Tollo rec pollere ber ka ceng tye aryeny.


---

## **CONTENTS**

---

- 1.0     **YORE ME TERO REC CALO APOK, PUTA KEDE  
DONG EN OKENE ME ATOLA**
- 2.0     **GAMMO REC**
- 3.0     **TERO REC A DYAKA I LUNYA/KA TOLO REC**
- 4.0     **YUBERE ME TOLLO REC (MOKKO MAC, CWERO KEDE  
LWOKKO REC)**
- 5.0     **TWOYO REC**
- 6.0     **TOLLO REC**
- 7.0     **WEKKO REC KWEE**
- 8.0     **GWOKKO REC**
- 9.0     **BOYO REC**
- 10.0    **TERO REC**
- 11.0    **CATTO REC**

## 1.0 YORE ME TER REC CALO APOK, PUTA KEDE DONG EN OKENE ME ATOLA



## 2.0 GAMMO REC

### 2.1 Yore ame pe opere me tic

- a) Ketto kede duru rec piny i cawa me kwanyño i yi yede ka okelo i wi tela.
- b) Wekko rec balle oko acalo adwoggi me ketto i pii a col me dog nam.
- c) Miyo pii a col mol i kom rec ame mio balle oko.
- d) Gammo rec ame rwommere tye piny ame nwongo pe oteggo
- e) Miyo jo ame kom gi at wo tiyo tic me catto rec.



## **2.2 Yore opore me tic**

- a) Rec ka agammo i dog nam myero pe bol piny ento myero gam ote ketto i bokci a cil.
- b) Myero gwok i diro me nенно ni pe obolo rec i pii a col ame yede cung i ye i cawa me kello i wi tela.
- c) Myero gam ka rec a ber keken.
- d) Otic me dog nam myero ruk jami me gwokere opore calo bala gambut, bongo me tic i dog yede kede gi gwokko cing kun ogwoko cil kom gi.
- e) Myero otii kede tandaro ame ogero ka otye arotto rec ame okelo me acata.



## 3.0 TERO REC A DYAKA I LUNYA/KA TOLO REC

### 3.1 Yore ame pe opere me tic

- a) Tic kede bokci/otoka a col me tero rec.
- b) Rec ame pe owunu wie kun oketo iyoonge otoka.
- c) Kweru tic kede yore opore me tero rec.
- d) Gi tero ame woto momot ame romo miyo rec oko.
- e) Tero rec karacel kede jo, ley, makar, moo moro keken kede nyig cem onyo moo tarara.



### **3.2 Yore opore me tic**

- a) Opore me willo rec eka cutucutu ite ketto oko kan a ngic bala pee kede dang myero bed a ber i kare me tero me ayuba bala i ka tollo.
- b) Ka kan ame agwoko i ye a ngic pe, rec a dyaka myero oket i yi canduk/bokci a cil me miyo tero bedo a yot.
- c) Jo myero pe bed onyo cung i wi rec i cawa me tero .
- d) Myero wum wii rec oko i cawa me tero me gengngo apua ka gi tero ame wie pe owumere.
- e) Ginnoro keken ame atero kede myero ngwec oyoyot me gengngo pekki moro keken aromo ngolle i yoo.
- f) Rec pe myero orib kede ginnoro keken i cawa me tero.
- g) Jo a tero rec myero bed kede waraga me wot i yoo.



## 4.0 YUBERE ME TOLLO REC (MOKKO MAC, CWERO KEDE LWOKKO REC)

### 4.1 Yore ame pe opere me tic

- a) Tic i kom rec piny i kwyo.
- b) Tic kede jami ame pe olwoko bala wi meja a col.
- c) Tic kan ame pe ogwoko bedo a cil.
- d) Tiyo tic a rarac.
- e) Wekko rec rii a tek ateka ka okelo i yi pii pe ote tollo oyoyot.
- f) Tic i kom rec ame pe olwoko a ber ote wekko ton a nonok a pwod pe otero me tollo.
- g) Tic kede jami ame pe opore me lwokko rec.
- h) Tic kede jami ame pe olwoko a cil.
- i) Tic kede jami ame pe olwoko a cil.



#### 4.2 Yore opore me tic

- a) Cwer rec ke ite lwokko a ber kun itio kede pii a cil.
- b) Tii kan ame ogero malu ame dang cil kun dang pe mako nyalli. Bed tic kede papara a papat me makko rec i cawa me catto me gengngo tic kede papara acel-li.
- c) Myero inen ni wii kan ogero mio pii mol kene te dong a cil.
- d) Iromo yangngo rec me miyo pii ton i ye oyoyot abongo ballo cawa me tollo eka dang pe te ballo yen me tollo.
- e) Myero inen ni ka catto rec tye a cil i cawa ducu ame yugi obolo i bur yugi kit a mitte.
- f) Pe myero i cat rec kan a cok kede bur yugi, coron, kan ame pii a col mol i ye onyo kannoro keken a col.
- g) Jo a cato rec myero ruk jami me tic opore bala tok, gi wummu dog kede wum, gi cing kede gambut dang ote lwokko kare i kare.



- h) Tii kede cabun ame pe mio rec balle me lwokko bongo kede waro tic kede dong jami okene ame otio kede.
- i) Ginnoro keken ame otio kede myero ogwok bed a cil i cawa ducu.
- j) Myero i gwok ka catto rec bed a cil i cawa ducu me miyo lwangngi kede jami okene me gengngo balo rec.

## 5.0 TWOYO REC


### 5.1 Yore ame pe opere me tic

- a) Kwero lubbu yore a mitte me miyo pii ton i kom rec. Miyo pii ton i kom rec otimo me miyo pii pe bedo a dwong a tek ateka ka rec dong atero me tollo, dang ka obunyu abunya ni otwoo oko, pii pe ton i yie a ber. Ento dang ka dok oweko otwoo pi cawa a lac alaca, rec dang dok te balle oko.
- b) Pe imii rec twoo i kwoyo.
- c) Twoyo rec i wi ginnoro ame pe mio pii ton a oyotoyot.
- d) Twoyo rec a cok kede kan ame pe opore bala bur yugi, coron, yoo mol a pii a col, kan apua dwong i ye onyo kannoro keken ame mio rec balle oko.
- e) Otic ame kom gi col.
- f) Wekko leyi kede winynyi balle rec oko ka obino gini i ye.



## 5.2 Yore opore me tic

- a) Rec myero oket ikom ceng i wi tati pi cawae aryo ame pwod pe ocako tollo.
- b) Rec myero oket/moo i wi tati/tandaro me miyo twoo dang myero pe gud piny.
- c) Ka twoyo rec myero bed kene kan ame pe cok kede bur yugi, coron, kan oonyo lac kede jami moge okene i ye.
- d) Ka twoyo rec myero pe bed kan ame apua tye i ye kede yito me jami a mor onyo kan ame otero/okwao ley i ye.
- e) Myero iryem jami bala lwangngi oko i kom rec ka tye atwoo.
- f) Ryem winynyi bala ogole kede winynyi me pacu bala gwen meddo kede ley i bala gwogi, puce oko i kan ame rec tye i ye.



## 6.0 TOLLO REC

### 6.1 Yore ame pe opere me tic

- a) Tic kede moo tara/otoka ame balo rec oko.
- b) Tic kede bao onyo bao ame dawa tye i ye me tollo rec.
- c) Tollo rec a tek ateka ame mio mittere rweny oko.
- d) Miyo yito me tollo rec makko kom rec/piny ducu.
- e) Tollo rec ame oballe oko dong.
- f) Pe miyo/wekko rec ame otolo twoo a ber
- g) Wekko otic bedo ame kom gi col
- h) Miyo yito duny a tek atek a bongo cung pi cawa a lac.




## 6.2 Yore opore me tic

Ka mac i lunya lyet atek ateka (ka lyeto mere tye iyi akina 63-72%), rec oromo tolo pi dakika 30 kiken, ento ka lunya pe lyet twatwal, oromo tolo pi cawae 24. Ka mac i lunya lyet atek ateka man mio rec cek oko bala en otedo ateda. Rec myero otol iyore aber dang pi cawa alac me miyo twoo dang aber. Rec dang myero pe otol atek ateka pien balo mitere oko te rwenyo berere oko; aporere, lunya (ka tolo rec) ngico mere myero bed 10%c dwogo kede piny.

Me miyo rec tolle a ber mitttere te bedo tye, myero lub jami magi;

- a) Myero yer rec a ber, ote yangngo, kwanyonyo cine oko eka ote lwokko kede pii a cil.
- b) Wek pii ton i rec pi cawa moro a nonok eka ite ketto i tati me tollo.




- c) Ka imitto gwokko rec pi cawa a lalac onyo a tero me acata tenge, ket gi i yi pii pi cawae a romo 12-24 eka ite miyo pii ton i ye ite dong tollo pi cawae aromo 24 onyo a kato.
- d) Rec myero pe moo i wi tati/tandaro pi nino acel alutu pien man mio lwangngi bedo poto i ye te ballo oko ame pwod pe otolo.
- e) Pe myero tii kede cet dyang acalo gi tollo rec pien man romo ballo rec oko kede ngwece dang balo mit a rec oko.
- f) Jo a tolo rec myero pe cocobo rec atata ame weko lwangi bino i ye te miyi balle oko ka okwanyo i mac.
- g) Tii i mac a dit a ber ame dang yamo donyo i ye a ber, man myero ter cawae a romo 15 eka ite kwanyo yito oko i ye.
- h) Loloko rec i cawa me tollo me wek gin ducu tolle a ber a rorom.
- i) Yen ame otio kede me tollo obedo cung bao, yen ame ongolo kede yen ame bare me bao akadi otwoo oko onyo pe.
- j) Yen ame atic kede me tollo myero pe ket dawa moro onyo kit yattoro keken i ye.
- k) Yen ame ongeo ni pojon tye i ye myero pe ti kede me tollo rec pien mio yito mere ame pojon tye i ye kato oko i kom rec.
- l) Yen me tollo rec myero ket i ot/kan ame otwo a ber abongo ginnoro keken i ye.
- m) Pe myero ket yen magi karachel i ot ame otolo rec i ye pien mio yen magi yito gi kobo oko i rec.
- n) Myero i mii cawa me twoyo rec bed a nok ame pwod pe i cako tollo man me gwoko ginnoro keken ame mio rec balle oko.
- o) Myero ibed rotto rec ame tye atolle kede mac ame tye i tere.
- p) Myero inen ni rec otolo kan ame tye a cil a ber dang kede yito a ber.

## 7.0 WEKKO REC KWEE


### 7.1 Yore ame pe opere me tic

- a) Ka rec pe okwee a ber, romo miyo cakko top oko oyoyot.
- b) Ka rec lyet ame pe okwee a ber mio toppere bedo yot twatwal.



## 7.2 Yore opore me tic

- a) Ame pwod pe i kano rec, myero i wek rec kwee a ber iyoonge tollo me wek poke twoo a ber omio pe cako top oyoyot.
- b) Ka i boyo rec ame dong otwoo oko tim kede diro a dwong me wek kuddi moro keken onyo ginnoro keken pe gud te miyo top oko oyoyot.
- c) Myero i wek rec otolo kwee a ber.
- d) Myero i wek rec kwee me gengngo lyeto bedo i ye ka oboo dong oko ame mio top dang oyoyot.



## 8.0 GWOKKO REC


### 8.1 Yore ame pe opere me tic

- a) Ka pe igwoko a ber, rec aballe oko kan ame i gwokko i ye.
- b) Rec myerom pe can ame pwod lyelyet pien puru te top oko.
- c) Gwokko rec kan ame apua kede yito jami a mor tye i ye.
- d) Gwokko rec kan ame ongin kede kuddi a papat tye i ye.
- e) Ka gwokko rec ame yamo pe kodo i ye a ber.
- f) Gwokko rec piny i dye ot.
- g) Gwokko rec kan ame ogwoko i ye jami okene bala leyi, ka butu a dano kede jami okene bala nyig cem kede i te tana pe ber.
- h) Gwokko rec kan ame pe cil.
- i) Gwokko rec kan ame nyalli omako/a col onyo i yi bokci/canduk ame pe owumu wie.



## 8.2 Yore opore me tic

- a) Wek rec otolo kong kwee eka ite gwokko kan ame yamo tunu i ye ento ame ongin pe tunu i ye.
- b) Pe igwok rec kan ame bao tye i ye bala ka butu onyo i te tana
- c) Gwok rec i yi bokci/canduk ame romo gwokko, pe i dil rec adila i yi gi gwokko ame pe romo.
- d) Pe igwok rec kan ame leyi ame ogwoko pacu bala puc, gwok, dyegi kede en okene romo tunu i ye.
- e) Gwok rec kan ame nginingini, winynyi, oyoo kede jami a lak ducu pe romo tunu i ye. Ka gwokko magi ducu myero bur onyo buge moro pe bed i ye.



- f) Kagwokko rec otwoo myero bed a cil, otwoo ame yamo tye i ye kun nwongo ceng pe iye. Ka twere myero igwok rec kan ame oteno aber ame yamo tunu iye.
- g) Ka i gwokko rec pi kare alac, iromo bedo moyo icel icelpolere wok ka ikare me kot .
- h) Myero inen ni bokci me gwokko pe oketo piny idi ot ento iwi ginoro me gengo doko angic.
- i) Yat kiro jami myero pe bed ika gwokko rec dang ot me gwokko myero jo pe wot iye atata.
- j) Ka twere, pe myero gwok cemmoro keken kan ame rec tye i ye akwanyny ka ocano gi a ber ame pe romo miyo gi balle.
- k) Ka gwokko rec myero bed a cil dang myero apua/yito bala me otoka pe bed i ye me miyo rec pe balle.

## 9.0 BOYO REC

### 9.1 Yore ame pe opere me tic

- a) Dillo rec adila i yi bokci/canduk.
- b) Boyo rec i yi makko ame pe opore me boyo rec.
- c) Boyo rec i yi jami calo bokci/cao/canduk ame pe cil.
- d) Col kom jo ame tye aboyo rec.



## 9.2 Yore opore me tic

- a) Rec otwoo yom dang tur a oyotoyot dong myero can a ber i kare me boyo kede tero me acata.
- b) Rec otwoo dang ka atero me acata oromo ketto i yi canduk bao eka kore te bedo waya ame mio yamo donyo i ye dang pe mio rec tur atwal. Canduk bao man laccere myero bedo centimitta 90 x 60 x 45 acalo dul aloo pur mito kede.
- c) Ka rec otolo a ber, twero rii i yi akina nine 4-7.
- d) Ka gwokko rec bala dita gi ni ame mio yamo kato i kom rec dang tio a ber meicel, canduk ame otio kede gin a yom bala papara pe ber pien mio rec tur oko.
- e) Nenni otic tye ame kom gi cil.



## 10.0 TERO REC ME ACATA I CUK


### 10.1 Yore ame pe opere me tic

- a) Yore me tero rec calo tic kede otokki a con ame yito mere duny twatwal.
- b) Nyonno, bedo, cung onyo butu i wi rec i yi otoka i cawa me tero.
- c) Tero rec a dwong adwonga kede otoka a titidi ame pe romo ame mio rec nginyere oko acalo adwoggi me dillo adila.
- d) Tic kede yore ame pe opore me tero rec ame mio balle oyoyot ame pwod pe otunu i cuk.
- e) Beo i yoe a reco ame apua tye i ye kede coto ame romo donyo oko i kom rec.
- f) Ka kom otoka ame atero rec dang col.
- g) Jo ame kom gi col ka tye i yi otoka acel-li i cawa me tero rec
- h) Tero rec kede jami okene a papat i yi otoka acel-li.



## 10.2 Yore opore me tic

- a) Rec otolo yom twatwal dang tur oyoyot ame myero mak i yore a ber i kare me boyo kede tero i cuk.
- b) Ka twere, tii kede otoka ame wie owumere oko me tero.
- c) Pe ter rec kede jami okene i yi otoka acel-li, ka itero, nen ni icano jami ducu a ber ame pe romo ballo rec.
- d) Pe ket jo onyo jami okene i yi otoka me tero rec.
- e) Otokki a con ame yito duny i ye a tek ateka myero pe ot i kede me tero rec.
- f) Ka yoo okene tye, pe tii kede yoo ame apua onyo coto tye i ye me tero rec.



- g) Otoka myero ngwec oyoyot me gengngó rec balle i yoo ame pwod pe otunu i cuk.
- h) Pe myero iter rec kede kwon cem okene ame romo miyo rec balle oko.
- i) Pe myero ter rec kede otokki a con ame yito duny i ye twatwal, ka pe myero kong yik otoka bed a ber.
- j) Nen ni otoka ame atero rec tye ame yie cil dang a ber.
- k) Wum rec ame oboo me atera oko kede tapulin/papara/puku ame gengo kot i tunu i ye i cawa me tero.

## 11.0 TATTO REC

### 11.1 Yore ame pe opere me tic

- a) Catto rec oballe oko.
- b) Catto rec i wi gin/tandaro a col.
- c) Tic kede cingi nono abongo rukku ginnoro i ye i kare me catto rec.
- d) Tic kede canduk/bokci ame yie col.
- e) Boyo rec kede ginnoro/jami a goro twatwal.
- f) Catto rec a cok kede coron/bur yugi.
- g) Wiro kom rec kede moo me miyo nen a ber bot owl.



## 11.2 Yore opore me tic

- a) Me acel, myero inen ni rec okeboro a ber me mokko ni pe oballe ame pwod pe ocano oko me acata.
- b) Neni okwanyo rec oballe oko ikom en a ber ote ketto tengen.
- c) Nen ni rec ocato rec i wi tandaro ame wie cil ame mio pii ton oko ping.
- d) Iyi cuke me kin pacu jami ogero bala meja oromo tic kede me gengngo apua, jami a por kede jo i beo i ye te miyo rec balle oko ka oketo piny.
- e) Nen ni kan ame acatto rec otolo i ye tye otwoo dang a cil.
- f) Obedo turu cik me catto rec oballe. Pe myero i cat rec ame nen bala oballe oko onyo ngwece tye bala gin otop.
- g) Acat rec myero bed dano ame kome cil.
- h) Cuk me catto rec pe myero bed a cok kede bur yugi onyo coron ame romo miyo rec balle oko.





**Commonwealth  
Standards  
Network**



Prepared with assistance from the  
Commonwealth Standards Network, a programme sponsored by the  
UK's Foreign, Commonwealth and Development Office (FCDO).